

**Journal of Ma'ālim al-Qur'ān wa al-Sunnah**  
Volume 21 No. 1 (2025)  
ISSN: 1823-4356 | e-ISSN: 2637-0328  
Homepage: <https://jmqs.usim.edu.my/>



- Title : **The Intellectual Stature and Contributions of Ṣalāḥ ‘Abd al-Fattāḥ al-Khālidī in the Interpretation of Qur'anic Narratives: A Focus on His Work *al-Qaṣaṣ al-Qur'ānī***
- Author (s) : Nik Fatma Amirah Nik Muhammad and Muhammad Lukman Mat Sin
- Affiliation (s) : Universiti Islam Antarabangsa Tuanku Syed Sirajuddin, Malaysia
- DOI : <https://doi.org/10.33102/jmqs.v21i1.519>
- History : Received: February 18, 2025; Revised: June 15 2024; Accepted: June 28, 2024; Published: June 30, 2024.
- Citation : Nik Muhammad, Nik Fatma Amirah, Mat Sin, Muhammad Lukman. "The Intellectual Stature and Contributions of Ṣalāḥ ‘Abd al-Fattāḥ al-Khālidī in the Interpretation of Qur'anic Narratives: A Focus on His Work *al-Qaṣaṣ al-Qur'ānī*". Journal of Ma'ālim al-Qur'ān wa al-Sunnah, vol. 21, no. 1 (2025): 183-202.  
<https://doi.org/10.33102/jmqs.v21i1.519>
- Copyright : © The Authors
- Licensing :  This article is open access and is distributed under the terms of [Creative Commons Attribution 4.0 International License](#)
- Conflict of Interest : Author(s) declared no conflict of interest

**Ketokohan Dan Sumbangan Ṣalāḥ ‘Abd Al-Fattāḥ  
Al-Khālidī Dalam Bidang Pentafsiran Kisah-Kisah Al-Quran:  
Tumpuan Terhadap Kitab *Al-Qaṣaṣ al-Qur’ānī***

**The Intellectual Stature and Contributions of Ṣalāḥ ‘Abd al-Fattāḥ  
al-Khālidī in the Interpretation of Qur’anic Narratives: A Focus on  
His Work *al-Qaṣaṣ al-Qur’ānī***

Nik Fatma Amirah Nik Muhamad\*

Muhammad Lukman Mat Sin

Universiti Islam Antarabangsa Tuanku Syed Sirajuddin

**Abstrak**

Ṣalāḥ ‘Abd al-Fattāḥ al-Khālidī merupakan seorang tokoh kontemporari dalam bidang tafsir yang telah menghasilkan banyak karya dalam bidang ini. Namun, masih belum banyak kajian yang mengetengahkan sumbangan beliau terutamanya dalam kisah-kisah al-Quran. Antara karya beliau yang agung dan menjadi rujukan dalam pentafsiran kisah-kisah al-Quran adalah kitab *Al-Qaṣaṣ al-Qur’ānī: ‘Arḍ Waqā’i’ wa Tahlīl Aḥdāth*. Tumpuan artikel ini ialah untuk mengetengahkan ketokohan serta menganalisis sumbangan Ṣalāḥ ‘Abd al-Fattāḥ al-Khālidī dalam bidang pentafsiran kisah-kisah al-Quran melalui kitab beliau *al-Qaṣaṣ al-Qur’ānī*. Metode kajian dilakukan secara kualitatif manakala pengumpulan data dijalankan melalui kajian perpustakaan. Hasil kajian mendapati bahawa Ṣalāḥ ‘Abd al-Fattāḥ al-Khālidī meninggalkan sumbangan yang besar kepada umat Islam melalui penulisan kitab beliau *al-Qaṣaṣ al-Qur’ānī* dan karya ini membantu masyarakat untuk memahami kisah-kisah al-Quran.

**Kata Kunci:** Ṣalāḥ ‘Abd al-Fattāḥ al-Khālidī, Kisah-kisah al-Quran, *Al-Qaṣaṣ al-Qur’ānī: ‘Arḍ Waqā’i’ wa Tahlīl Aḥdāth*, ketokohan, sumbangan

---

\* Correspondence concerning this article should be addressed to Nik Fatma Amirah Nik Muhamad, Universiti Islam Antarabangsa Tuanku Syed Sirajuddin (UniSIRAJ) at nikfatmaamirah91@gmail.com

## Abstract

Şalāh ‘Abd al-Fattāḥ al-Khālidī stands as a distinguished contemporary scholar in the field of Qur’anic exegesis, with numerous influential works to his name. Despite his prolific contributions, particularly in the interpretation of Qur’anic narratives, scholarly engagement with his oeuvre remains limited. Among his most notable and frequently cited works in this domain is *Al-Qaṣaṣ al-Qur’ānī: ‘Arḍ Waqā’i’ wa Tahlīl Aḥdāth*. This article aims to illuminate his intellectual stature and provide a critical assessment of his contributions to the interpretation of Qur’anic narratives through this seminal work. Employing a qualitative methodology, the study relies primarily on library-based research for data collection. The findings reveal that Şalāh ‘Abd al-Fattāḥ al-Khālidī has made substantial and lasting contributions to the Muslim ummah through his authorship of *Al-Qaṣaṣ al-Qur’ānī*, a text that greatly facilitates a deeper understanding of the narratives embedded within the Qur’ān.

**Keywords:** Şalāh ‘Abd al-Fattāḥ al-Khālidī, Qur’anic Narratives, *Al-Qaṣaṣ al-Qur’ānī: ‘Arḍ Waqā’i’ wa Tahlīl Aḥdāth*, intellectual stature, contributions

## Pendahuluan

Artikel ini membincangkan ketokohan Şalāh ‘Abd al-Fattāḥ al-Khālidī dalam pengajian tafsir al-Quran dan menganalisis sumbangan beliau melalui kitab *Al-Qaṣaṣ al-Qur’ānī: ‘Arḍ Waqā’i’ wa Tahlīl Aḥdāth*.<sup>1</sup> Beliau merupakan seorang tokoh kontemporari dalam lapangan ilmu tafsir al-Quran yang telah menghasilkan sebanyak 59 karya dalam pelbagai lapangan ilmu tafsir. Antara sumbangan terpenting Şalāh al-Khālidī adalah melalui kitab *Al-Qaṣaṣ al-Qur’ānī* yang menjadi rujukan masyarakat untuk mengetahui secara lebih mendalam tentang kisah para nabi dalam al-Quran berpandukan ayat al-Quran, hadith nabi dan riwayat yang sahih.

## Nama, Kelahiran Dan Keluarga

Nama beliau ialah Şalāh bin ‘Abd al-Fattāḥ bin Muḥammad bin Yūsuf al-Khālidī. Beliau dilahirkan di bandar Jenīn, utara Palestin pada tahun 1947M. Al-Khālidī pula merupakan nasab beliau yang bersambung dengan nasab

<sup>1</sup>Al-Khālidī, Şalāh ‘Abd al-Fattāḥ. (2011). *Al-Qaṣaṣ al-Qur’ānī: ‘Arḍ Waqā’i’ wa Tahlīl Aḥdāth*. Selepas ini akan disebut *Al-Qaṣaṣ al-Qur’ānī*.

sahabat Nabi SAW iaitu Khālid bin al-Walīd.<sup>2</sup> Ṣalāḥ al-Khālidī juga digelar dengan panggilan Abu Usamah.<sup>3</sup>

Ṣalāḥ al-Khālidī berasal dari keluarga sederhana yang hidup di dalam rumah yang diperbuat daripada tanah liat dan makan daripada binatang ternakan dan sayur-sayuran yang ditanam sendiri oleh keluarga beliau.<sup>4</sup> Beliau berkahwin dengan In’ām ‘Abd al-Ra’ūf pada tahun 1973M dan dikurniakan lima orang anak lelaki dan lima orang anak perempuan.<sup>5</sup> Anak lelakinya bernama Usamah, Abdul Fattah, Huzaifah (Almarhum), Huzaifah dan Mujahid, manakala anak perempuannya bernama Rola, Battul, Hajar, Rabi`ah dan Arub.<sup>6</sup>

### Latar Belakang Pendidikan

Ṣalāḥ al-Khālidī mendapat pendidikan awal di sekolah rendah bernama Hitṭin yang terletak di bandar Jenīn kemudian melanjutkan pengajian di sebuah Maahad Pengajian Islam di bandar Nablus dan beliau merupakan seorang yang sentiasa cemerlang dalam pelajaran.<sup>7</sup> Pada tahun 1965M, Ṣalāḥ al-Khālidī bermusafir ke Kaherah untuk menyambung pelajaran di *Ma’had al-Bu’ūth al-Islāmiyyah* di bawah Universiti al-Azhar kemudian menyambung lagi pengajian beliau di Universiti al-Azhar.<sup>8</sup>

Ṣalāḥ al-Khālidī kemudiannya menyambung pelajaran di Universiti al-Imām Muhammad bin Su’ūd al-Islāmiyyah pada tahun 1980M di peringkat sarjana. Selepas itu, beliau menyambung pengajian di peringkat PhD di universiti yang sama dan memperolehi ijazah kedoktoran PhD pada tahun 1984M.<sup>9</sup>

### Guru-guru

Salāḥ al-Khālidī berguru dengan ramai tokoh dan ilmuwan dari Palestin, Jordan, Mesir dan Arab Saudi. Antara guru beliau adalah Aḥmad Hasan Farḥāt

<sup>2</sup>Ibrāhīm Bājis ‘Abd al-Majīd. (2022). *Shaykh al-Tafsīr Ṣalāḥ ‘Abd al-Fattāḥ al-Khālidī Hayātuḥu wa Āthāruḥu*, hal. 13.

<sup>3</sup>Hudhayfah Ṣalāḥ al-Khālidī. (2023). *Al-‘Allāmah Salāḥ ‘Abd al-Fattāḥ al-Khālidī Sīratuhu wa Manāqibuhu wa Āthāruḥu*, hal. 47.

<sup>4</sup>Ibrāhīm Bājis ‘Abd al-Majīd. (2022). *Shaykh al-Tafsīr Ṣalāḥ ‘Abd al-Fattāḥ al-Khālidī Hayātuḥu wa Āthāruḥu*, hal. 16.

<sup>5</sup>*Ibid.*, hal. 18.

<sup>6</sup>Hudhayfah Ṣalāḥ al-Khālidī. (2023). *Al-‘Allāmah Salāḥ ‘Abd al-Fattāḥ al-Khālidī Sīratuhu wa Manāqibuhu wa Āthāruḥu*, hal. 48.

<sup>7</sup>*Ibid.*, hal. 47.

<sup>8</sup>Ibrāhīm Bājis ‘Abd al-Majīd. (2022). *Shaykh al-Tafsīr Ṣalāḥ ‘Abd al-Fattāḥ al-Khālidī Hayātuḥu wa Āthāruḥu*, hal. 27.

<sup>9</sup>*Ibid.*, hal. 28.



yang merupakan penyelia beliau di peringkat sarjana dan PhD. Guru-guru beliau yang lain terdiri daripada Dr Ahmad Hasan Farhāt rahimahullah, Syeikh Taufiq Jarrār rahimahullah, Syeikh Sayyid Sābiq rahimahullah, Ustaz ‘Abd al-Ghanī ‘Azzūqah rahimahullah, Syeikh ‘Abd al-Ḥalīm Maḥmūd rahimahullah, Syeikh ‘Adnān Zarzūr hafizahullah, Dr Faḍl Hasan ‘Abbās rahimahullah, Muḥammad al-Ghazālī, Ustaz Muḥammad Quṭb rahimahullah, Mannā’ al-Qatṭān rahimahullah dan ramai lagi.<sup>10</sup>

### Murid-murid

Salāh al-Khālidī meninggalkan ramai anak murid yang datang dari pelbagai bangsa dan negara. Mereka juga bukan terdiri daripada pengajian Islam semata-mata, bahkan mempunyai latar belakang pendidikan yang pelbagai seumpama perubatan, kejuruteraan, pendidikan dan sebagainya<sup>11</sup>. Antara anak murid beliau ialah Ibrāhīm Bājis ‘Abd al-Majīd, Ibrāhīm Muḥammad al-‘Alī, Dr Intisār al-Jālūdī, Dr Ra’fat al-Miṣrī, Battūl al-Khālidī, Dr Huzayfah al-Khālidī, Dr. Sulaymān al-Duqqūr, Dr Fāḍil ‘Abbās Fāḍil, serta Dr Mohd Azrul Azlen, Fakhri Fadzli dan Nur Hanani Fadzilah yang merupakan murid beliau dari negara Malaysia.<sup>12</sup>

### Pekerjaan

Pekerjaan pertama Salāh al-Khālidī adalah di Kementerian Wakaf di Jordan pada tahun 1971M. Selepas beliau mendapat ijazah sarjana di Universiti al-Imām Muhammad bin Su’ud al-Islāmiyyah, Salāh al-Khālidī mengajar di Fakulti Pengajian Islam di bawah Kementerian Wakaf sehingga tahun 1991. Beliau juga mengajar di beberapa buah universiti seperti *University of Jordan*, *The World Islamic Sciences and Education University*, *University of Yarmouk* dan di *Applied Science Private University* di ‘Ammān, Jordan.<sup>13</sup>

### Tesis Seliaan Beliau

Salāh al-Khālidī tidak sekadar mengajar di masjid dan universiti semata-mata bahkan banyak menyelia tesis pelajar-pelajar beliau. Ramai pelajar-pelajar di peringkat Master dan PhD yang sempat menuntut ilmu dan menyambung pelajaran di bawah seliaan beliau. Antara tesis yang terhasil bawah seliaan beliau adalah:

<sup>10</sup>*Ibid.*, hal. 31.

<sup>11</sup>*Ibid.*, hal. 33.

<sup>12</sup>*Ibid.*, hal. 47.

<sup>13</sup>*Ibid.*, hal. 63.

1. *Al-Tawāzun fī Alfāz Al-Quran al-Karīm wa Tarākībuhu wa Uslūbuhu: Dirāsah Tafsīriyyah*. Ia tesis peringkat Phd oleh ‘Imād Maḥmūd Amīn al-Zuqaylī di The World Islamic Sciences and Education University (WISE) pada tahun 2014.
2. *Tanzil al-Āyāt ‘alā al-Wāqi’ ‘inda Sayyid Quṭb min Khilāl Tafsīrihi: Dirāsah Taḥlīliyyah* oleh ‘Imād Ḥamdān Muṭlaq al-Qa’āyidah dalam peringkat PhD di The World Islamic Sciences and Education University (WISE) pada tahun 2015.
3. *Al-Binā’ al-Ijtīmā’ī fī al-Qur’ān al-Karīm: Dirāsah Taḥlīliyyah Muqāranah fī al-Tafsīr* oleh Huṣām Ṭalāl Dawūd Haniyyah pada tahun 2016 di The World Islamic Sciences and Education University (WISE).
4. *Suālāt al-Imām al-Ṭabarī fī al-Tafsīr wa ‘Ulūm al-Qurān fī Tafsīrihi Jāmi’ al-Bayān: Jam’an wa Dirāsah*. Ia tesis peringkat PhD yang ditulis oleh Husām Ahmad Muhammād Mansūr pada tahun 2016.<sup>14</sup>

## Kematian

Şalāh al-Khālidī meninggal dunia di Ammān selepas solat Isyak pada hari Jumaat, tanggal 28 Januari 2022 selepas diuji dengan jangkitan Covid-19<sup>15</sup> dan dikebumikan berdekatan dengan kubur kenalan-kenalan beliau yang sudah meninggal dunia. Ribuan manusia yang terdiri daripada anak murid, kenalan serta ahli keluarga Şalāh al-Khālidī datang menghadiri pengebumian jenazah beliau.<sup>16</sup>

Salāh al-Khālidī meninggal pada tahun yang sama dengan tokoh-tokoh terkemuka yang lain seperti Şhaykh Yūsuf al-Qaradhāwī, Şhaykh Usāmah ‘Abd al-Azīm, Şhaykh Şāliḥ al-Luhaydān dan Şhaykh Muḥammad bin Naṣir al-A`būdī. Beliau telah meninggalkan begitu banyak khazanah al-Quran yang merangkumi pelbagai bidang dalam pengajian tafsir dan ulum al-Quran.<sup>17</sup>

## Karya penulisan

---

<sup>14</sup>Ibid., hal. 65.

<sup>15</sup>Hudhayfah Şalāh al-Khālidī. (2023). *Al-‘Allāmah Salāh ‘Abd al-Fattāh al-Khālidī Sīratuhu wa Manāqibuhu wa Āthāruhu*, hal. 57.

<sup>16</sup>Ibrāhīm Bājis ‘Abd al-Majīd. (2022). *Şaykh al-Tafsīr Şalāh ‘Abd al-Fattāh al-Khālidī Hayātuhu wa Āthāruhu*, hal. 110.

<sup>17</sup>Mohd Farid Ravi Abdullah & Salman Zainal Abidin. (2022). *Sumbangan Solah Abdul Fattah Al-Khalidi Dalam Pengajian Tafsir Al-Quran*. Persidangan Antarabangsa Isu-isu Semasa Al-Quran & Hadis, hal. 43.

Berikut adalah karya penulisan Ṣalāḥ al-Khālidī yang disusun mengikut tema:<sup>18</sup>

BIL	TEMA KITAB	NAMA KITAB	TAHUN CETAKAN
1.	Karya tentang Sayyid Qutb	<i>Sayyid Qutb al-Shahīd al-Hayy</i>	1981M
		<i>Nazariyyah al-Taṣwīr al-Fannī 'inda Sayyid Qutb</i>	1983M
		<i>Amrīkā min al-Dākhil bi Minzār Sayyid Qutb</i>	1985M
		<i>Madkhal ilā fī Zilāl al-Qur'ān</i>	1986M
		<i>Al-Manhaj al-Harakī fī Zilāl al-Qur'ān</i>	1986M
		<i>Fī Zilāl al-Qur'ān: fī al-Mīzān</i>	1986M
		<i>Sayyid Qutb min al-Mīlād ilā al-Istishhād</i>	1991M
		<i>Sayyid Qutb: al-Adīb al-Nāqid wa al-Dā'iyyah al-Mujāhid wa al-Mufakkir al-Rāid</i>	2000M
		<i>Al-Harb al-Amrīkiyyah bi Minzār Sayyid Qutb</i>	2003M
		<i>Al-Taṣwīr al-Fannī fī al-Qur'ān al-Karīm li Sayyid Qutb: Ināyah wa Taqdīm wa Ta'līq (dalam proses cetakan)</i>	t.t
2.	<i>Al-Tafsīr al-Mawdū'ī</i> (tafsir tematik)	<i>Mafātiḥ li al-Ta'āmul ma'a al-Qur'ān</i>	1985M
		<i>Taṣwībāt fī Fahmī Ba'di al-Āyāt</i>	1987M
		<i>Latā'if Qur'āniyyah</i>	1992M
		<i>Hadhā al-Qur'ān</i>	1993M
		<i>Al-Tafsīr wa al-Ta'wīl fī al-Qur'ān</i>	1996M

<sup>18</sup>Hudhayfah Ṣalāḥ al-Khālidī. (2023). *Al-'Allāmah Salāḥ 'Abd al-Fattāḥ al-Khālidī Sīratuhu wa Manāqibuhu wa Āthāruhu*, hal. 53-57.

		<i>Al-Atbā' wa al-Matbū'ūn fi al-Qur'ān</i>	1996M
		<i>Al-Tafsīr al-Mawdū`i: Bayna al-Nazariyyah wa al-Taṭbīq</i>	1996M
		<i>'Itāb al-Rasūl SAW fī al- Qur'ān: Tahlīl wa Tawjīh</i>	2004M
		<i>Wu`ūd al-Qurān bi al- Tamkīn li al-Islām</i>	2004M
		<i>Al-A`lām al-`Ajamiyyah fī al-Qurān</i>	2006M
		<i>Waqafāt ma'a Hazīhi al- Āyāt</i>	2007M
		<i>Al-Madkhāl al-`Ām ilā Tafsīr Āyāt al-Āhkām</i>	2016M
		<i>Qur'āniyyāt (dalam proses cetakan)</i>	t.t
3.	Karya tentang Yahudi dan sifat mereka	<i>Al-Shakhṣiyah al- Yahūdiyyah min Khilāl al-Qur'ān Tārīkh wa Simāt wa Maṣīr</i>	1986M
		<i>Haqāiq Qur'āniyyah Hawla al-Qaḍiyyah al- Filastīniyyah</i>	1994M
		<i>Filastīn wa al-Haqāiq al- Qur'āniyyah</i>	1994M
		<i>Hadīth al-Qur'ān 'an al- Tawrāh</i>	2004M
		<i>Judhūr al-Irhāb al- Yahudī fī Asfār al-`Āhd al-Qadīm</i>	2004M
		<i>Sifr al-Takwīn fī al-Mīzān al-Qur'ān al-Karīm</i>	2004M
4.	Kisah-kisah al-Qurān	<i>Ma'a Qaṣaṣ al-Sābiqīn fī al-Qur'ān: Durūs fī Al- Imān wa al-Da'wah wa al- Jihād</i>	1988M
		<i>Al-Qaṣaṣ al-Qur'ānī: 'Arḍ Waqā'i' wa Tahlīl Aḥdāth</i>	1998M
		<i>Mawāqif al-Anbiyā' fī al- Qurān: Tahlīl wa Tawjīh</i>	2001M
		<i>Sīrah Ādām AS: Dirāsah Tahlīliyyah</i>	2003M

5.	I`jāz al-Qurān al-Karīm	<i>Al-Bayān fī I`jaz al-Qurān</i>	1989M
		<i>I`jāz al-Qurān al-Bayānī wa Dalāil Masdarihi al-Rabbāniy</i>	2000M
6.	Al-Islāh wa al-Tarbiyyah	<i>Thawābit li al-Muslīm al-Mu'āṣir</i>	1989M
		<i>Israiliyyāt Mua`sirah</i>	1991M
		<i>Al-Khuṭbah al-Barrāqah li dhī al-Nafs al-Tawwāqah</i>	1996M
		<i>Tahzīb Mashāri` al-Ashwāq ilā Maṣari` al-Ushshāq fī Faḍā'il al-Jihād</i>	1998M
		<i>Al-Wajīz fī al-Thaqāfah al-Islāmiyyah- kolaborasi bersama Dr Hammām Sa`id dan Maḥmūd Hammūdah Rahimahullah</i>	2002M
		<i>Bayna al-Islām al-Rabbāniy wa al-Islām al-Amrīkāniy</i>	2003M
		<i>Basāir: Maqālāt al-Duktūr Solāh al-Khalidī</i>	2012M
7.	Al-Sīrah al-Nabawiyyah	<i>Al-Khulafa` al-Rashidūn Bayna al-Istikhlāf wa al-Istishhād</i>	1995M
		<i>Al-Rasūl al-Muballigh</i>	1997M
		<i>Suwar min Jihād al-Sahābah</i>	2000M
		<i>Sa'd Bin Abī Waqqās RA: al-Sabbāq li al-Islām al-Mubashshir bi al-Jannah wa al-Qāid al-Mujāhid</i>	2003M
8.	Al-Tafāsīr al-Kāmilah (tafsir lengkap)	<i>Tafsīr al-Ṭabarī: Tahdhīb wa Taqrīb wa Tartīb</i>	1996M
		<i>Al-Tafsīr al-Manhajī- kolaborasi bersama Faḍl `Abbās Rahimahullah, Dr Jamāl Abu Hassān, Dr Ahmad Nawfal dan Dr Ahmad Shukrī</i>	2005M
		<i>Tafsīr Ibnu Kathīr: Tahzīb wa Tartīb</i>	2008M

		<i>Al-Mu'jām al-Kabīr li Ma`anī al-Qurān al-Karīm: Tafsīr Lughawiy Ishtiqāqiy Tasrifiy Jāmi` (dalam proses cetakan)</i>	t.t
		<i>Tafsīr al-Kashshāf lil Zamakhsharī: Tahqīq wa Ta`līq wa Hāshiyah-kolaborasi bersama Dr Huḍhayfah Ṣolāh al-Khālidī, Dr Jamāl Abu Hassān, Prof Dr Ahmad al-Rifā`ī (dalam proses cetakan)</i>	t.t
9.	Uṣūl al-Tafsīr	<i>Ta`rīf al-Dārisīn bi Manāhij al-Mufassirīn</i>	1999M
		<i>Al-Madkhāl ilā ʻIlm al-Tafsīr fī Uṣūl al-Tafsīr wa Manāhij al-Mufassirīn-kolaborasi bersama Dr Huḍhayfah Ṣolāh al-Khālidī</i>	2018M
10.	Al-‘Aqīdah al-Islāmiyyah	<i>Al-Qabasāt Al-Saniyyah min Sharḥ al-‘Aqīdah al-Taḥāwiyyah</i>	2000M
		<i>Fī Zilāl al-Īmān</i>	1986M
11.	Karya tentang mempertahankan al-Qur'an dan menolak syubhah terhadapnya	<i>Al-Intisār lil Qurān Amām Iftirā'at Mutanabbi` Al-Amrīkān</i>	2005M
		<i>Al-Kulaynī wa Taḥrīfātuhu li Āyāt al-Qur'an</i>	2006M
		<i>Al-Qur'an wa Naqd Maṭā'in al-Ruhbān</i>	2007M
		<i>Tahrīfāt Āyāt al-Qur'an Lafzan wa Ma`nan fī Tafāsīr Ghulāh al-Shī`ah Tafsīr al-Qummī Unmūdhajan</i>	2018M



Berdasarkan jadual di atas, penulis mendapati bahawa karya Ṣalāḥ al-Khālidī adalah sebanyak 59 buah. Ia meliputi tema yang pelbagai antaranya tentang Sayyid Qutb, *al-Tafsīr al-Mawdū’ī* (tafsir tematik), Yahudi dan sifat mereka, mempertahankan al-Qur’ān dan menolak syubhah terhadapnya, kisah-kisah al-Qur’ān, sirah dan sebagainya. Ini membuktikan bahawa Ṣalāḥ al-Khālidī tidak menumpukan penulisan terhadap tema yang tertentu sahaja, tetapi beliau berusaha untuk menulis dalam pelbagai tema dan mencakupi kebanyakan aspek ilmu al-Qurān.

Berdasarkan penelitian penulis juga, Ṣalāḥ al-Khālidī memberikan banyak tumpuan kepada *al-Tafsīr al-Mawdū’ī*. Ini terzahir daripada jumlah karya beliau dalam *al-Tafsīr al-Mawdū’ī* yang mencecah 13 buah kitab.

### Karya Ṣalāḥ Al-Khālidī Berkaitan Kisah-Kisah Al-Quran

Antara karya Ṣalāḥ al-Khālidī berkaitan pentafsiran kisah-kisah al-Quran adalah: *Ma’ a Qaṣaṣ al-Sābiqīn fī al-Qurān: Durūs fī Al-Īmān wa al-Da’wah wa al-Jihād*, *Al-Qaṣaṣ al-Qur’ānī: ‘Arḍ Waqā’ī’ wa Tahlīl Aḥdāth, Mawāqif al-Anbiyā’ fī al-Qurān: Tahlīl wa Tawjīh* dan *Sīrah Ādām AS: Dirāsah Tahlīliyyah*. Berikut adalah perincian kitab-kitab tersebut:

- 1- Kitab *Ma’ a Qaṣaṣ al-Sābiqīn fī al-Qurān: Durūs fī Al-Īmān wa al-Da’wah wa al-Jihād*

Cetakan pertama kitab ini adalah pada tahun 1988M. Ia adalah kitab yang ke 11 dalam turutan tertib karya yang dihasilkan oleh Ṣalāḥ al-Khālidī dan mengandungi 860 mukasurat.<sup>19</sup>

Kitab ini membahaskan tentang kisah-kisah selain para nabi dalam al-Quran. Ia turut menyimpulkan pengajaran dari perspektif keimanan, dakwah dan jihad. Di awal kitab ini, dibahaskan tentang kriteria kisah-kisah al-Quran dan asas metodologi dalam pentafsiran kisah-kisah umat terdahulu dalam al-Quran.<sup>20</sup>

Diperincikan juga dalam kitab ini sebanyak 19 kisah<sup>21</sup> yang disusun secara turutan sepertimana dalam mushaf al-Quran dan diuraikan

<sup>19</sup> *Ibid.*, hal. 293.

<sup>20</sup> *Ibid.*, hal. 293.

<sup>21</sup> Al-Khālidī, Ṣalāḥ ‘Abd al-Fattāḥ. (2007). *Ma’ a Qaṣaṣ al-Sābiqīn fī al-Qurān: Durūs fī Al-Īmān wa al-Dakwah wa al-Jihād*, hal. 6.

berdasarkan al-Quran dan hadith yang sahih tanpa mengambil riwayat *Israiliyyāt*.<sup>22</sup>

## 2- Kitab *Mawāqif al-Anbiyā' fī al-Qurān: Tahlīl wa Tawjīh*

Cetakan pertama kitab ini adalah pada tahun 2001M. Ia merupakan kitab yang ke 34 dalam turutan tertib karya yang dihasilkan oleh Ḡalāḥ al-Khālidī dan mempunyai 430 mukasurat.<sup>23</sup>

Ḡalāḥ al-Khālidī mengumpulkan di dalam kitab ini permasalahan yang memberi kesan kepada pemahaman tentang kisah-kisah para nabi dalam al-Quran serta membahaskan persoalan yang biasa dibangkitkan tentang ayat-ayat yang dinisbahkan kepada para nabi dari sudut percakapan dan perbuatan yang memerlukan kepada pemahaman tafsir yang tepat. Ḡalāḥ al-Khālidī menjawab di dalam buku ini dengan jawapan yang tuntas yang mampu menyerlahkan ketokohan serta keluasan ilmu beliau tentang tafsir.<sup>24</sup>

Seperti contoh dalam kisah Nabi Musa AS, Ḡalāḥ al-Khālidī menghuraikan 36 permasalahan dan membahaskan kesemua permasalahan tersebut dengan jawapan yang tuntas, dilengkapi dengan bukti, perbincangan dan bimbingan.<sup>25</sup>

## 3- Kitab *Sīrah Ādām AS: Dirāsah Tahlīliyyah*

Cetakan pertama kitab ini adalah pada tahun 2003M. Ia merupakan kitab yang ke 38 dalam turutan tertib karya yang dihasilkan oleh Ḡalāḥ al-Khālidī dan mempunyai 189 mukasurat.<sup>26</sup>

Kitab ini bertujuan untuk memperkenalkan tentang riwayat hidup Nabi Adam AS sejak diciptakan oleh Allah SWT di syurga sehingga wafatnya di dunia dan buku ini tidak membahaskan tentang ibrah dan pengajaran daripada kisah nabi ini.<sup>27</sup>

Ḡalāḥ al-Khālidī sangat menitikberatkan sumber yang dipercayai iaitu al-Qurān dan Hadith yang sahih sepetimana dalam karya-karya beliau yang

<sup>22</sup> Hudhayfah Ḡalāḥ al-Khālidī. (2023). *Al-‘Allāmah Salāḥ ‘Abd al-Fattāḥ al-Khālidī Sīratuhu wa Manāqibuhu wa Āthāruhu*, hal. 294.

<sup>23</sup> *Ibid.*, hal. 298.

<sup>24</sup> *Ibid.*, hal. 298.

<sup>25</sup> *Ibid.*, hal. 298.

<sup>26</sup> *Ibid.*, hal. 287.

<sup>27</sup> Ibrāhīm Bājis ‘Abd al-Majīd. (2022). *Shaykh al-Tafsīr Ḡalāḥ ‘Abd al-Fattāḥ al-Khālidī Hayātuhu wa Āthāruhu*, hal. 243.

lain serta berusaha menjauhi riwayat *Israiliyyāt*, cerita dongeng dan berita yang palsu.<sup>28</sup>

Kehidupan Nabi Adam AS adalah kehidupan yang luar biasa, terbahagi kepada dua bahagian: Pertama, kehidupan Nabi Adam AS di syurga dan kedua, kehidupannya di dunia<sup>29</sup>. Di awal buku ini dibahaskan tentang Allah yang menciptakan segala sesuatu, begitu juga langit dan bumi yang diciptakan dalam enam hari. Seterusnya dibahaskan tentang Malaikat yang diciptakan daripada cahaya, tugas-tugas mereka serta tabiat golongan Jin yang diciptakan daripada api. Beliau juga membahaskan tentang tiga golongan iaitu Iblis, Jin dan Syaitan.<sup>30</sup>

#### 4- Kitab *Al-Qaṣaṣ al-Qur’ānī: ‘Ard Waqā’i’ wa Tahlīl Aḥdāth*

Cetakan pertama kitab ini adalah pada tahun 1998M. Ia adalah kitab yang ke 27 dalam turutan tertib karya yang dihasilkan oleh Ṣalāḥ al-Khālidī.<sup>31</sup> Kitab ini merupakan siri yang pertama dalam rangkaian siri *Fī Al-Qaṣaṣ al-Qur’ānī*.<sup>32</sup>

Kitab ini akan menjadi perbahasan utama artikel ini yang akan diterangkan secara terperinci dalam subtopik yang seterusnya.

#### Sumbangan Ṣalāḥ Al-Khālidī Melalui Kitab *Al-Qaṣaṣ Al-Qur’ānī*

Kitab *al-Qaṣaṣ al-Qur’ānī* mempunyai empat jilid<sup>33</sup>. Dalam jilid pertama Ṣalāḥ al-Khālidī membahaskan metodologi yang diiktiraf dalam menetapkan sesuatu fakta dan peristiwa berkaitan kisah-kisah al-Quran dan metodologi ini berpandukan ayat-ayat al-Quran serta hadith yang sahih. Seterusnya, dalam jilid ini juga beliau membicarakan tentang fakta, peristiwa serta perincian kisah nabi-nabi yang mulia iaitu Adam AS, Nuh AS, Hud AS, Soleh AS, Ibrahim AS, Ismail AS, Ishak AS dan Lut AS. Kisah 8 orang nabi ini dibahaskan berpandukan ayat-ayat al-Quran dan hadith yang sahih.<sup>34</sup>

<sup>28</sup>Ibid., hal. 243.

<sup>29</sup>Al-Khālidī, Ṣalāḥ ‘Abd al-Fattāḥ. (2003). *Sīrah Ādām AS: Dirāsah Tahlīliyyah*, hal. 7.

<sup>30</sup>Ibrāhīm Bājīs ‘Abd al-Majīd. (2022). *Shaykh al-Tafsīr Ṣalāḥ ‘Abd al-Fattāḥ al-Khālidī Hayātuḥu wa Āthāruḥu*, hal. 243.

<sup>31</sup>Hudhayfah Ṣalāḥ al-Khālidī. (2023). *Al-‘Allāmah Salāḥ ‘Abd al-Fattāḥ al-Khālidī Sīratuhu wa Manāqibuhu wa Āthāruhu*, hal. 290.

<sup>32</sup>Ibrāhīm Bājīs ‘Abd al-Majīd. (2022). *Shaykh al-Tafsīr Ṣalāḥ ‘Abd al-Fattāḥ al-Khālidī Hayātuḥu wa Āthāruḥu*, hal. 259.

<sup>33</sup>Fāḍhil Abbās Fāḍhil. (2018). *Juhūd al-Duktūr Ṣalāḥ ‘Abd al-Fattāḥ al-Khālidī wa Ārāūḥu fī al-Tafsīr wa ‘Ulūm al-Qurān*. Disertasi PhD Al-Iraqia University, hal. 71.

<sup>34</sup>Al-Khālidī, Ṣalāḥ ‘Abd al-Fattāḥ. (2011). *Al-Qaṣaṣ al-Qur’ānī: ‘Ard Waqā’i’ wa Tahlīl Aḥdāth*, jil. 1, hal. 14.



Şalāh al-Khālidī menghuraikan fakta dan peristiwa ini tanpa analisis dan dapatan kerana objektif beliau adalah membentangkan kisah nabi dan kaumnya sepetimana dalam al-Quran dan hadith. Manakala bagi tujuan ibrah dan pengajaran, aspek tersebut ditangguhkan untuk dikaji dalam penulisan akan datang. Namun, karya berkenaan tidak sempat disempurnakan sebelum beliau meninggal dunia.<sup>35</sup> Kelebihan pendekatan huraian peristiwa ini tanpa ibrah dan pengajaran adalah penulisan tersebut lebih berfokus kepada huraian fakta berpandukan al-Quran dan hadith. Ia boleh menjadi asas penting kepada penulisan-penulisan seterusnya yang menjurus kepada pendekatan yang pelbagai seperti yang dirancang oleh Şalāh al-Khālidī namun tidak sempat direalisasikan.

Di dalam jilid kedua buku ini, Şalāh al-Khālidī menghuraikan tentang kisah Nabi Syuaib AS, Yaakub AS, Yusuf AS dan bahagian pertama kisah Nabi Musa AS. Seterusnya dalam jilid ketiga dibahaskan bahagian kedua kisah Nabi Musa AS bersama Firaun dan Bani Israil, kemudian kisah Daud AS dan Sulaiman AS.<sup>36</sup> Manakala dalam jilid keempat, dibentangkan kisah nabi-nabi yang lain selepas Daud AS dan Sulaiman AS iaitu Ayyub AS, Yunus AS, Idris AS, Ilyas AS, Ilyasa` AS, Zulkifli AS, Zakaria AS, Yahya AS dan Isa AS.<sup>37</sup>

### Metodologi pentafsiran dalam kitab *al-Qaṣaṣ al-Qur'ānī*

Şalāh al-Khālidī menggunakan pendekatan metodologi tertentu dalam menghasilkan kitab ini. Antara metodologi beliau dalam kitab *al-Qaṣaṣ al-Qur'ānī* adalah:

- 1- Menolak *Israiliyyāt* serta riwayat yang tidak sahih secara konsisten dan tegas.

Şalāh al-Khālidī mengambil pendekatan untuk tidak menambah apa yang terkandung dalam ayat al-Quran dan hadith yang sahih. Beliau beriltizam untuk memadai dengan apa yang dijelaskan dalam ayat al-Qurān dan hadith.<sup>38</sup>

<sup>35</sup>Ibid., jil. 1, hal. 14.

<sup>36</sup>Ibid., jil. 1, hal. 15.

<sup>37</sup>Ibid., jil. 1, hal. 15.

<sup>38</sup>Ibid., hal. 15.

Ini jelas disebutkan oleh Ḡalāḥ al-Khālidī dalam pendahuluan kitab *al-Qaṣaṣ al-Qur’ānī*. Kata beliau:

"منهجنا عدم اعتماد أية معلومة أو رواية من الإسرائيليات، مهما قلّتْ أو صَعُرْتْ، وعدم إيرادها وذكراها".

"Metodologi kami ialah tidak menerima sebarang maklumat atau riwayat daripada sumber Israiliyyat, walau sekecil atau seremeh mana pun. Kami juga tidak akan menyebut atau meriwayatkannya."<sup>39</sup>

Ḡalāḥ al-Khālidī termasuk dalam golongan mufassir yang melarang periwatan berpandukan *Israiliyyāt* secara mutlak dan beliau bersandarkan kepada dalil ayat-ayat al-Qurān dan hadith yang sahih.<sup>40</sup> Ini menunjukkan bahawa kitab *al-Qaṣaṣ al-Qur’ānī* ini tidak mengandungi sebarang hadith yang tidak sahih mahupun *Israiliyyāt*.

Bertitik tolak daripada metodologi inilah terbinanya asas epistemologi tafsir di sisi beliau yang dilihat lebih menjurus ke arah *al-ittijāh al-atharī* iaitu pendekatan tafsir yang memfokuskan kepada sumber yang *ma’thūr* iaitu mentafsirkan al-Quran dengan al-Quran, al-Sunnah dan juga pendapat para Sahabat dan tabiin.

## 2- Menukilkan pandangan daripada Sayyid Qutb

Pengaruh Sayyid Qutb yang menebal dalam jiwa Ḡalāḥ al-Khālidī menyebabkan beliau banyak menukilkan pandangan Sayyid Qutb dalam kitab *al-Qaṣaṣ al-Qur’ānī*. Antara contoh pandangan Sayyid Qutb yang dinukilkan oleh beliau adalah seperti berikut:

"قال سيد قطب في تعريفه بالسورة وجو نزولها: والsurah كلها لحمة واحدة عليها طابع القرآن المكي، واضحًا في موضوعها، وفي جوها، وفي ظلالها، وفي إيحاءاتها. بل إن عليها طابع هذه الفترة الحرجـة الموحشـة، بصفة خاصة."

<sup>39</sup>Al-Khālidī, Ḡalāḥ ‘Abd al-Fattāḥ. (2011). *Al-Qaṣaṣ al-Qur’ānī: ‘Ard Waqā’i’ wa Tahdīl Aḥdāth*, jil. 1, hal. 76.

<sup>40</sup>Nur Zainatal Nadra Zainol & Latifah Abdul Majid. (2012). *Sejarah Perkembangan Tafsir pada Zaman Rasulullah SAW, Sahabat dan Tabi'in*. Journal of Techno-social 4 (2), Universiti Tun Hussein Onn Malaysia, hal. 50.



“Sayyid Quṭb ketika menjelaskan tentang pengenalan surah Yusuf ini dan suasana penurunannya berkata: Keseluruhan surah merupakan satu kesatuan yang utuh dan jelas memperlihatkan ciri-ciri al-Quran yang turun pada zaman Mekah. Ini jelas dari sudut temanya, suasananya, bayangan maknanya, mahupun isyarat-isyarat yang terkandung di dalamnya. Malah, surah ini turut memaparkan dengan ketara ciri-ciri khusus bagi tempoh yang mencabar dan kritikal tersebut.”<sup>41</sup>

Walaupun Ṣalāḥ al-Khālidī banyak menukilkan pandangan daripada Sayyid Quṭb, namun pendekatan dan fokus mereka dilihat berbeza. Sayyid Quṭb dilihat lebih memfokuskan kepada *al-Ittijāh al-Da’awī al-Harakī* iaitu pendekatan dakwah dan haraki menerusi kitabnya *Fī Zilāl al-Qur’ān*. Pendekatan dakwah dan haraki ini menumpukan perhatian kepada proses *tarbiyyah* (pendidikan) serta *tazkiyah* (penyucian jiwa) serta jihad berlandaskan al-Quran dalam menentang golongan kafir.<sup>42</sup>

### 3- Menyusun kisah-kisah al-Quran berdasarkan kronologi sejarah

Ṣalāḥ al-Khālidī juga didapati menyusun kisah-kisah al-Quran yang terdapat dalam kitab ini berdasarkan kronologi sejarah. Ini dapat dilihat menerusi susunan dalam kitab ini yang dimulakan dengan kisah Nabi Adam AS dan diakhiri dengan kisah Nabi Isa AS. Di dalam perincian kisah-kisah setiap nabi juga, beliau didapati menggunakan susunan yang sama iaitu mengikut kronologi sejarah. Contohnya dapat dilihat menerusi kisah Nabi Isa AS yang diakhiri dengan kisah baginda turun ke bumi pada akhir zaman.<sup>43</sup>

### 4- Menyebutkan pandangan yang *rājīḥ*

Antara metodologi Ṣalāḥ al-Khālidī dalam kitab ini juga adalah beliau akan menyebutkan pandangan yang *rājīḥ* di dalam sesuatu isu selepas menyenaraikan percanggahan pendapat yang wujud dalam kalangan *mufassirīn*. Pandangan yang *rājīḥ* ini biasanya dinukilkan daripada tokoh tafsir yang utama semisal Ibn Kathīr dan juga Ibn Jarīr al-Ṭabarī. Contohnya beliau didapati menyebutkan pandangan yang *rājīḥ* tentang peristiwa Nabi

<sup>41</sup> Al-Khālidī, Ṣalāḥ ‘Abd al-Fattāḥ. (2011). *Al-Qaṣaṣ al-Qur’ānī: ‘Ard Waqā‘i’ wa Tahlīl Aḥdāth*, jil. 2, hal. 77.

<sup>42</sup> Al-Khālidī, Ṣalāḥ ‘Abd al-Fattāḥ. (2012). “Ta’rīf al-Dārisīn bi Manāhij al-Mufassirīn”. Damsyik: Darul Qalam, hal. 568.

<sup>43</sup> Al-Khālidī, Ṣalāḥ ‘Abd al-Fattāḥ. (2011). “Al-Qaṣaṣ al-Qur’ānī: ‘Ard Waqā‘i’ wa Tahlīl Aḥdāth”, jil. 4, hal. 424.

Idris AS diangkat ke langit<sup>44</sup>, golongan al-Hawāriyyīn<sup>45</sup> serta maksud ayat 55 daripada surah Āli Imrān.<sup>46</sup>

#### 5- Mengetengahkan kehalusan bahasa (Laṭāif Qurāniyyah)

Antara metodologi pentafsiran Ṣalāḥ al-Khālidī dalam kitab *al-Qaṣaṣ al-Qur’ānī* juga adalah mengetengahkan kehalusan bahasa al-Quran (Laṭāif Qurāniyyah). Contohnya adalah seperti yang disebutkan oleh Ṣalāḥ al-Khālidī mengenai kepelbagaiannya gaya bahasa al-Quran ketika mengisahkan tentang Allah menyelamatkan Bani Israil daripada penindasan dan kezaliman Firaun. Ṣalāḥ al-Khālidī berkata:

"وَهُنَّاكَ لطِيفَةٌ قرآنِيَّةٌ فِي تَذْكِيرِ بَنِي إِسْرَائِيلَ يَأْنِحَاءُ اللَّهُ لَهُمْ مِنْ ظُلْمٍ وَاضْطَهَادٍ آلُ فَرْعَوْنَ، حِيثُ تَفَاوتُ التَّعْبِيرُ الْقَرآنِيُّ فِي الْإِخْبَارِ عَنِ ذَلِكَ"

"Terdapat satu kehalusan bahasa al-Quran yang dapat diperhatikan dalam peringatan kepada Bani Israel mengenai peristiwa Allah menyelamatkan mereka daripada kezaliman dan penindasan kaum Firaun. Ada pelbagai gaya dan bentuk ungkapan al-Quran berkenaan peristiwa tersebut."<sup>47</sup>

Begitu juga tatkala Ṣalāḥ al-Khālidī menjelaskan kehalusan bahasa al-Quran mengenai perbezaan antara perkataan *al-Jasad* dan juga *al-Jism*. Beliau membawakan perbahasan yang terperinci mengenai perbezaan antara dua perkataan tersebut.<sup>48</sup>

Kitab *al-Qaṣaṣ al-Qur’ānī* menjadi antara kitab yang dekat di hati beliau. Ia membahaskan tentang kisah-kisah para nabi sahaja tanpa kisah-kisah tokoh selain nabi. Ini kerana kisah-kisah selain nabi dikhususkan dalam karya lain iaitu *Ma’ā Qaṣaṣ al-Sābiqīn fī al-Qur’ān*. Kitab ini dipersembahkan dalam bentuk penjelasan yang terperinci dan disertakan ayat al-Qur’ān.<sup>49</sup> Beliau menulis kitab ini berpandukan kepada kitab Shāykh Ibrāhīm al-‘Alī

<sup>44</sup>Ibid., jil. 4, hal. 89.

<sup>45</sup>Ibid., jil. 4, hal. 314.

<sup>46</sup>Ibid., jil. 4, hal. 351.

<sup>47</sup>Al-Khālidī, Ṣalāḥ ‘Abd al-Fattāḥ. (2011). *Al-Qaṣaṣ al-Qur’ānī: ‘Ard Waqā’i’ wa Tahlīl Aḥdāth*, jil. 3, hal. 130.

<sup>48</sup>Ibid., jil. 3, hal. 175.

<sup>49</sup>Hudhayfah Ṣalāḥ al-Khālidī. (2023). Al-‘Allāmah Salāḥ ‘Abd al-Fattāḥ al-Khālidī Sīratuhu wa Manāqibuhu wa Āthāruhu, hal. 291.



Rahimahullah iaitu kitab *al-Aḥādīth al-Ṣaḥīḥah fī al-Qaṣāṣ al-Anbiyā'* bagi merujuk hadith-hadith yang disebutkan dalam kisah-kisah tersebut.<sup>50</sup>

Selain itu, Ṣalāḥ al-Khālidī juga didapati tidak menukilkan kisah Nabi Muhammad AS dalam kitab ini. Ini kerana menurut beliau, ia memerlukan kajian berasingan yang lebih terperinci.<sup>51</sup> Hasrat Ṣalāḥ al-Khālidī untuk menulis dan meneruskan kajian tersebut timbul sejurus selepas penghasilan kitab ini, namun kajian berkenaan tidak sempat diselesaikan sebelum beliau meninggal dunia.

### **Penghasilan buku lain yang diinspirasikan daripada kitab *al-Qaṣāṣ al-Qur'ānī***

Kitab *al-Qaṣāṣ al-Qur'ānī* sangat bermanfaat untuk masyarakat sehingga ia mampu menjadi inspirasi oleh penulis karya berkaitan kisah nabi untuk kanak-kanak bagi menghasilkan karya yang baik serta menjadi rujukan dan bacaan kanak-kanak.

Siri kisah nabi untuk kanak-kanak terbitan Ikon Syabab Resources antara karya yang terhasil inspirasi daripada kitab *al-Qaṣāṣ al-Qur'ānī*. Antara buku yang dihasilkan adalah Sirah Nabi Syuaib AS, Nabi Ismail AS, Nabi Hud AS, Nabi Lut AS, Nabi Adam AS, Nabi Yaakub AS, Nabi Yunus AS, Nabi Nuh AS, Nabi Musa AS dan Nabi Ibrahim AS.

“Alhamdulillah, dengan inayah dan rahmat Allah, maka terhasillah buku Sirah Nabi Syuaib AS. Ia merupakan inspirasi daripada kitab Al-Qasos al-Qurani karya ulama terkenal, Dr. Solah Abdul Fattah Al-Khalidi Rahimahullah”.<sup>52</sup>

“Naskhah ini bukan hanya untuk anak-anak tetapi juga untuk kita para ibu bapa dan pendidik. Disusun berpaksikan al-Quran serta sirah Nabi tulisan Dr. Solah al-Khalidi sebagai rujukan utama menjadikan buku ini begitu istimewa buat kalian”<sup>53</sup>

---

<sup>50</sup>Ibid., hal. 291.

<sup>51</sup>Al-Khālidī, Ṣalāḥ ‘Abd al-Fattāḥ. (2011). *Al-Qaṣāṣ al-Qur'ānī: 'Ard Waqā'i' wa Tahdīl Aḥdāth*, jil. 4, hal. 429.

<sup>52</sup>Nur Syahirah Mohammad Nasir. (2023). *Sirah Nabi Syuaib AS: Harta Yang Halal Lagi Berkat*, hal. viii

<sup>53</sup>Rokhaizat Rahmat. (2020). *Sirah Nabi Ismail AS: Hamba Allah Yang Taat*, hal. xi.

“Buku Dr Solah Abdul Fattah al Kholidi menjadi rujukan utama untuk berkongsi dengan semua tentang Sirah Nabi Lut AS dan kaumnya”.<sup>54</sup>

Karya yang terhasil daripada kitab *al-Qaṣaṣ al-Qur’ānī* mempunyai nilai tambah apabila ia mengetengahkan kisah-kisah nabi yang jauh dari unsur *Isrāiliyyāt* dan riwayat yang tidak sahih. Ia sangat membantu untuk masyarakat awam membimbing anak-anak berdasarkan kisah nabi yang sahih seterusnya dapat membendung silap faham tentang kisah-kisah para nabi.

## Kesimpulan

Hasil kajian mendapati bahawa Ṣalāḥ ‘Abd al-Fattāḥ al-Khālidī meninggalkan sumbangan yang besar kepada umat Islam melalui penulisan beliau tentang kisah-kisah al-Quran terutamanya melalui kitab *al-Qaṣaṣ al-Qur’ānī*. Metodologi yang digunakan Ṣalāḥ ‘Abd al-Fattāḥ al-Khālidī dilihat dapat membimbing masyarakat memahami kisah-kisah al-Quran secara menyeluruh dan merangkumi semua peringkat umur termasuk kanak-kanak. Ini memberikan sumbangan besar dalam penghasilan karya berbentuk penceritaan kisah para nabi khususnya untuk golongan kanak-kanak yang diilhamkan daripada kitab tersebut.

Ini membuktikan bahawa sumbangan yang besar telah ditinggalkan oleh beliau dalam pengajian tafsir al-Quran dan membantu masyarakat untuk memahami al-Quran dan perkara yang berkaitan dengannya. Karya-karya Ṣalāḥ al-Khālidī dalam pelbagai genre ini bukan sahaja dapat dimanfaatkan oleh golongan akademik, tetapi juga masyarakat awam. Penulisan karya tentang kisah nabi yang diinspirasikan daripada kitab *al-Qaṣaṣ al-Qur’ānī* perlu diperbanyak lagi supaya pemahaman yang benar tentang kisah nabi dapat disebarluaskan dan dimanfaatkan untuk generasi kini dan akan datang.

## Bibliografi

Al-Khālidī, Ṣalāḥ `Abd al-Fattāḥ. (2003). “*Sīrah Ādam AS: Dirāsah Tahlīlīyyah*”. `Ammān: Muassasah al-Warrāq li al-Nashr wa al-Tauzī`.

<sup>54</sup>Wan Nur Syakira Wan Musa. (2021). *Sirah Nabi Lut: Menjaga Fitrah, Satu Ibadah*, hal. vi.

- Al-Khālidī, Ṣalāḥ Ḥabd al-Fattāḥ. (2007). “*Ma’ā Qaṣaṣ al-Sābiqīn fi al-Qurān: Durūs fī Al-Īmān wa al-Dakwah wa al-Jihād*”. Damsyik: Dār al-Qalam.
- Al-Khālidī, Ṣalāḥ Ḥabd al-Fattāḥ. (2011). “*Al-Qaṣaṣ al-Qur’āni: ‘Arḍ Waqā’i’ wa Taḥlīl Aḥdāth*”. Damsyik: Darul Qalam.
- Al-Khālidī, Ṣalāḥ Ḥabd al-Fattāḥ. (2012). “*Ta’rīf al-Dārisīn bi Manāhij al-Mufassirīn*”. Damsyik: Darul Qalam.
- Fāḍhil Abbās Fāḍhil. (2018). “*Juhūd al-Duktūr Ṣalāḥ ‘Abd al-Fattāḥ al-Khālidī wa Ārāūhu fī al-Tafsīr wa ‘Ulūm al-Qurān*”. Disertasi PhD Al-Iraqia University. Iraq.
- Hudhayfah Ṣalāḥ al-Khālidī. (2023). “*Al-‘Allāmah Salāḥ ‘Abd al-Fattāḥ al-Khālidī Sīratuhu wa Manāqibuhu wa Āthāruhu*”. Beirut: Syarikah Fuād al-Ba`inū li at-Tajlīd.
- Ibrāhīm Bājis Ḥabd al-Majīd. (2022). “*Shaykh al-Tafsīr Ṣalāḥ ‘Abd al-Fattāḥ al-Khālidī Hayātuhu wa Athāruhu*”. Ammān.
- Mohd Farid Ravi Abdullah & Salman Zainal Abidin. (2022). “*Sumbangan Solah Abdul Fattah Al-Khalidi Dalam Pengajian Tafsir Al-Quran*”. Persidangan Antarabangsa Isu-isu Semasa Al-Quran & Hadis. Selangor: Fakulti Pengajian Peradaban Islam (FPPI), Kolej Universiti Islam Antarabangsa (KUIS).
- Nur Syahirah Mohammad Nasir. (2023). “*Sirah Nabi Syuaib AS: Harta Yang Halal Lagi Berkat*”. Terengganu: Ikon Syabab Resources.
- Nur Zainatul Nadra Zainol & Latifah Abdul Majid. (2012). “*Sejarah Perkembangan Tafsir pada Zaman Rasulullah SAW, Sahabat dan Tabi’īn*”. Journal of Techno-social 4 (2), Universiti Tun Hussein Onn Malaysia.
- Rokhaizat Rahmat. (2020). “*Sirah Nabi Ismail AS: Hamba Allah Yang Taat*”. Terengganu: Ikon Syabab Resources.
- Wan Nur Syakira Wan Musa. (2021). “*Sirah Nabi Lut: Menjaga Fitrah, Satu Ibadah*”. Terengganu: Ikon Syabab Resources.